



TOSHKENT DAVLAT YURIDIK UNIVERSITETI REKTORINING B U Y R U G ' I

21.10.2024

680-tm-son

Talabalarni rag'batlantirish to'g'risida

O'zbekiston Respublikasi Prezidenti Shavkat Mirziyoyev rahbarligida 2023-yil 11-aprel kuni "Yoshlar siyosati sohasidagi ishlar natijadorligini oshirish hamda ular bilan ishlash tizimini yanada takomillashtirish chora-tadbirlari" yuzasidan o'tkazilgan videoselektor yig'ilishida berilgan 18-son topshiriqlar bayonida belgilangan vazifalar ijrosini ta'minlash, talabalarning darsdan bo'sh vaqtlarini mazmunli tashkil etish, ularning iqtidor va iste'dodlarini qo'llab-quvvatlash, o'zlashtirish ko'rsatkichi yuqori hamda ijtimoiy faol bo'lgan talabalarni munosib rag'batlantirish maqsadida

BUYURAMAN:

1. Quyidagilar:

"Quvnoqlar va zukkolar" ko'rik-tanlovi (bundan buyon matnda – ko'rik-tanlov)ning 2024-yilgi mavsumiga start berilganligi;

ko'rik-tanlovning 2024-yilgi mavsumida universitet talabalaridan iborat "Yusristlar" jamoasi ishtirok etayotganligi hamda ko'rik-tanlovning saralash bosqichidan muvafaqqiyatli o'tib, oliy liganing chorak-final bosqichida ishtirok etish yo'llanmasini qo'lga kiritganligi;

chorak-final o'yinlari 19-24-oktabr kunlari "Turkiston" san'at saroyida bo'lib o'tishi belgilanganligi inobatga olinsin.

2. Ko'rik-tanlovning 2024-yil mavsumi oliyliga o'yinlarida universitet talabalaridan iborat "Yuristlar" jamoasining munosib ishtirok etishi ta'minlansin.

3. Birinchi prorektor A.Xashimhonov:

ko'rik-tanlovning 2024-yil mavsumi oliy liga o'yinlarida jamoamizning tanlov nizomlariga muvofiq munosib ishtirok etishi uchun barcha zarur shart-sharoitlar yaratilishini ta'minlasin;

jamoamizning ko'rik-tanlovdagi chiqishlarini mazmunan to'g'ri va to'liqligini, universitet nomiga xos chiqishlar qilinishini nazoratga olsin.

jamoamizni mavsum davomidagi ishtirokini universitet jamoasi tomonidan qo'llab-quvvatlanishini nazoratga olsin.

4. Prorektor (A.Iminov):

ko'rik-tanlovning 2024-yil mavsumida jamoamizning sahnaviy chiqishlarida foydalaniladigan zarur vositalarni universitet hisobidan xarid qilish yoki shartnoma asosida olish choralarini ko'rsin;

universitetda o'zlashtirish ko'rsatkichi yuqori bo'lgan hamda jamoatchilik ishlarida faol ishtirok etib kelayotgan talabalarni rag'batlantirish maqsadida ular uchun "Turkiston" san'at saroyida bo'lib o'tadigan ma'rifiy tadbirda ishtirok ettirish uchun chiptalarni xarid qilish bo'yicha Toshkent davlat yuridik universitetining maqsadli kapital (Endowment Fund) jamoat fondi (N.Salayev) bilan yaqindan hamkorlik qilish choralarini ko'rsin.

5. Toshkent davlat yuridik universitetining maqsadli kapital (Endowment Fund) jamoat fondi (N.Salayev)ga universitetda o'zlashtirish ko'rsatkichi yuqori bo'lgan hamda jamoatchilik ishlarida faol ishtirok etib kelayotgan talabalarni rag'batlantirish maqsadida "Turkiston" san'at saroyida bo'lib o'tadigan ma'rifiy tadbirda ular uchun chiptalarni xarid qilish masalasida amaliy yordam ko'rsatish tavsiya etilsin.

6. Ma'naviyat va ma'rifat markazi (Sh.Po'lotov) hamda fakultet dekanlari:

ko'rik-tanlovning 2024-yil mavsumida "Yuristlar" jamoasining munosib tayyorgarlik ko'rishi uchun zarur sharoitlar yaratsin;

O'quv-uslubiy boshqarma (Registrator ofisi) (S.Bozarov) bilan birgalikda ko'rik-tanlovning bu yilgi bosqichida ishtirok etayotgan talabalar tomonidan zaruratga ko'ra qoldirilgan dars mashg'ulotlarini qayta o'zlashtirish sharti bilan sababli deb hisoblash choralarini ko'rsin;

talabalarni rag'batlantirish maqsadida ko'rik-tanlovning chorak-final bosqichida tomoshabin sifatida ishtirok etadigan talabalar ro'yxatini shakllantirsin hamda ularga Toshkent davlat yuridik universitetining maqsadli kapital (Endowment Fund) jamoat fondi tomonidan xarid qilinadigan chiptalarni tarqatish choralarini ko'rsin.

7. Ushbu buyruq ijro nazorati birinchi prorektor A.Xashimhonov va prorektor A.Iminovlar zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Katta yuriskonsult

A.TURSUNOV



Moliya-iqtisod ishlar bo‘yicha
prorektor

A.IMINOV



Bosh buxgalter

M.PARPIYEV

